

佛
祝
象
腋
經

百五十六
養五

48341



皇圖

聖

帝

新

日

耀

機

輪

法

金

剛

院

光緒

二十

年

重

法華經

卷

第

十

卷

第

十

卷

第

十

卷



佛說象腋經

五

宋罽賓三藏法師曇摩蜜多譯

養

如是我聞一時佛在王舍城耆闍崛山與大
比丘衆五百人俱菩薩六万衆所知識得陀
羅尼樂說無礙說法無二成就不可思議神
通其名曰無減進意菩薩過名聲威德藏菩
薩寶月華菩薩大雲雷燈菩薩無量觀出
切世菩薩山勇菩薩樂喜生菩薩淨解無礙
光明菩薩解度衆生心菩薩金剛得堅菩薩
解一切衆生語離菩薩梵音勇威德菩薩名
稱面威無礙覺菩薩一切善根寶聚菩薩文
殊師利童子與如是上首六萬菩薩俱尔時

大德舍利弗於日晡時從禪定起來詣佛所
尔時世尊坐異樹下入寂靜三昧尔時大德
舍利弗遙見世尊威儀寂靜疾疾取草敷以
爲座跏趺而坐正身起頃尔時大德舍利弗
即於坐處生是思惟未曾有也如來如是寂
靜之行安樂之本安樂衆生亦知一切法性
三昧尔時世尊從於三昧安詳而起發聲歎
聲尔時舍利弗聞於如來聲歎之聲受歡喜
樂亦得悲心即往佛所到已住立佛前敬禮
佛已而說偈言

若有衆生無分別
入於三昧常行世

乃至於法不憶想
常忍樂於如是法

不見衆生有差別

分別諸法虛空體

於和合中無想著

亦非有起非不起

於諸衆生無憶想

於諸衆生想無聲

智不分別於衆生

分別丈夫一切想

當善住於施持戒

住於無染汙法中

彼忍得者甚勇猛

不得精進及懈怠

同於幻性解脫者

彼無我想受安樂

無有愚癡物所想

彼不見命受安樂

是諸衆生非衆生

無我見者彼安樂

是得無諍之法界

無量覺者彼安樂

常行覺了無慳垢

無高下見彼安樂

無有憎愛二見者

無思想者彼安樂

修行禪定任堅固
是善知於禪定法
無有憶想無智慧
亦非聰慧非愚癡
若在空中野聚亦然
於村聚中無猷惡
於乞食事悉具足
亦未曾想我乞食
若有之棄糞掃衣
亦無受畜弊衣想
善逝所讚佛聽許
無有憶想我正行

亦不思惟是散亂
無禪想者彼安樂
亦非無智得自在
無異想者彼安樂
彼一切處平等行
空處無憍彼安樂
亦終無有乞食想
無乞想者彼安樂
收取聚集以覆身
不輕慢他彼安樂
善受持用三法衣
無異想者是安樂

若說法者勝善妙
亦無有心我說法
於諸善根無實想
不思分別諸結使
於生起中無起想
晝夜常勤行精進
亦無妄想住非處
如來外道無差別
無量無數無有限
我及衆生無異想
若有得於或夢行
行於世間如水月

亦無有我及衆生
不著不實者安樂
非有物想無愛想
無二行者彼安樂
見所住處過患想
無戲論者彼安樂
亦不分別增上智
無貢高妙彼安樂
亦不捨離等虛空
無增減見彼安樂
得於辯才化愚癡
無進行者一切樂

種種方便第一義

不著生死堅牢想

覺於微細寂靜法

無想行者彼安樂

尔時世尊讚舍利弗善哉善哉汝深慧行能
轉於法汝舍利弗是耆闍崛山所有比丘諸
菩薩等入禪定者勅今集會舍利弗白佛言
世尊我不堪任何以故如是等者皆是威德
大龍尔時世尊即放身光所放光明徧照無
量無邊諸佛世界諸菩薩悉皆來詣耆闍崛
山到已皆住於虛空中此諸比丘及諸菩薩
從禪定起來詣佛所王舍城中無量千衆來
詣佛所尔時世尊知於一切衆會已集觀文
殊師利童子面已即便微笑尔時文殊師利

即從座起整於衣服偏袒右肩右膝著地合
掌向佛白佛言世尊何因何緣而微笑耶諸
佛如來應供正遍知非無緣笑佛告文殊師
利過去於此耆闍崛山有十千佛說象腋經
尔時大德阿難聞佛所說疾從座起整於衣
服偏袒右肩右膝著地合掌向佛白佛言善
哉世尊善哉善逝今當演說此象腋經是經
難聞若如來說者今無有疑此深經典有深
光明世尊何故觀文殊面已而微笑也尔時
世尊讚阿難言善哉善哉阿難善慧分別汝
今阿難諦聽諦聽善思念之我今當說阿難
從佛受教勅已佛告阿難若有衆生解此經

者如大象力如大龍力是諸衆生解此經者
亦復如是阿難諸衆生等解此經者如師子
遊步進趣勝道阿難此經典者當來菩薩能
愛樂之阿難此經能令菩薩勇猛我去世後
當來菩薩手得此經手書此經此經牀座非
旃陀羅菩薩手所執持亦非戲論菩薩手得
亦非假名菩薩手得尔時世尊現如文殊師
利之像作是像已文殊師利亦如是解我今
當請問於世尊甚深之法非是聲聞緣覺之
地是菩薩地尔時文殊師利童子即白佛言
世尊我今欲少問於如來應供正遍知若佛
聽許乃敢諮請文殊師利如是請已佛告文

殊師利恣汝所問隨意所喜一切衆集尔時
文殊師利童子白佛言世尊何謂菩薩善能
安住諸功德法示現一切諸菩薩行教化無
量阿僧祇衆生現諸佛形如水月影文殊師
利如是問已佛即讚言善哉善哉文殊師利
能摠略問如來是義我今當爲廣分別說文
殊師利諦聽諦聽善思念之吾今當說文殊
師利白言如是受教而聽佛告文殊師利菩
薩成就六法者得具安住諸功德法何等爲
六文殊師利是菩薩施能一切捨不見自己
離慳垢行安住於戒不見我能離破戒業成
就忍辱不見我能離瞋恚行有於精進非身

心進知入一切禪定解脫三昧方便亦不自
念成就一心有慧行明了自見解脫一切諸
道文殊師利菩薩成就如是六法善能安住
一切功德復次文殊師利復有六法善能安
止一切功德何等爲六文殊師利是菩薩住
地獄中攝取衆生受於天樂生畜生身攝取
畜生受人妙樂生卑賤家受轉輪王樂現入
諸道受勝道樂善知往返一切佛刹如水月
影出一切語無所言說各不親近文殊師利
菩薩成就此六法者能安止一切功德今時
文殊師利白佛言世尊云何菩薩住地獄中
受於天樂作是問已佛告文殊師利若是菩

薩入於三昧名大蓮華任地獄中攝取衆生
受於天樂見諸衆生受種種苦各現其形而
爲說法令無量衆生悉得解脫文殊師利菩
薩如是任地獄中受於天樂文殊師利復白
佛言云何菩薩生畜生中攝取畜生受人天
妙樂佛言文殊師利而是菩薩入於三昧名
曰寂靜現生畜生而不失心受人天妙樂各
隨其形而爲說法菩薩安止無量千衆令任
於法文殊師利菩薩如是受畜生身受人妙
樂文殊師利復白佛言世尊云何菩薩生卑
賤家受轉輪王樂佛言文殊師利而是菩薩
入於三昧名曰靜過是三昧力故生卑賤家

受轉輪王樂文殊師利菩薩如是生卑賤家
受轉輪王樂文殊師利白佛言世尊云何菩
薩現入諸道受勝道樂佛言文殊師利而是
菩薩入於三昧名見一切行無作光明菩薩
住是三昧示入諸道受勝道樂文殊師利菩
薩如是現入諸道受勝道樂今時文殊師利
白佛言世尊云何菩薩善知往返一切佛刹
不動本處亦無去來現諸佛刹如水月影佛
言文殊師利而是菩薩入於三昧名曰過於
一切言說是菩薩住此三昧時東西南北四
維上下一切十方世界之中示現其身不動
本處亦無去來住是三昧得見諸佛亦聞說

法文殊師利菩薩如是善知往返一切佛刹
不動本處亦無去來現諸佛刹如水月影
時文殊師利白佛言世尊云何菩薩出一切
語無所言說各不親近佛言文殊師利而是
菩薩得陀羅尼名曰無量得是持已入無量
心知無量語是菩薩得旋陀羅尼力故出一
切語各不親近文殊師利菩薩如是出一切
語無所言說各不親近尔時文殊師利白佛
言世尊是菩薩方便甚難世尊若有菩薩入
此經時入何等法佛言文殊師利若有菩薩
欲入此經如解虛空文殊師利言虛空何也
佛言文殊師利是虛空者不染於欲不瞋不

癡文殊師利一切諸法亦復如是無染瞋癡
 文殊師利是虛空者非施成就非戒成就非
 忍成就非進成就非禪成就非慧成就如是
 文殊師利一切諸法亦復如是非施成就非
 戒忍進禪慧成就文殊師利猶如虛空非智
 非斷文殊師利一切諸法亦復如是非智非
 斷文殊師利猶如虛空非修非證文殊師利
 一切諸法亦復如是非修非證文殊師利猶
 如虛空非闇非明文殊師利一切諸法亦復
 如是非闇非明文殊師利猶如虛空徧一切
 處而不可捉文殊師利一切諸法亦復如是
 徧一切處而不可捉文殊師利猶如虛空非

進正道非進邪道文殊師利一切諸法亦復
如是非進正道非進邪道文殊師利猶如虛
空非聲聞乘非緣覺乘亦非佛乘文殊師利
一切諸法亦復如是非聲聞乘非緣覺乘亦
非佛乘文殊師利猶如虛空非思非智文殊
師利一切諸法亦復如是非思非智文殊師
利猶如虛空非動非發非不動發文殊師利
一切諸法亦復如是非動發非不動發文殊
師利猶如虛空無有衆生能汙染者文殊師
利一切諸法亦復如是是涅槃分究竟無染
非寂靜非不寂靜文殊師利猶如虛空任無
住處不動不搖不住處故文殊師利諸菩薩

等亦復如是見諸衆生任無任處得實不動
不搖不住文殊師利是實相法欲見如來是
名邪見如是邪見即是正行若是正行是中
布施無有大果亦無大報若其施中無大果
報是世福田若世福田是中所施無有果報
若施無果報是則滿足不實之智若其滿足
不實之智是等疾得無生法忍今時衆中六
十比丘增上慢者聞如是法作是思惟是道
闇昧如如來說同外道說是外道等富蘭那
迦葉末伽梨憍舍利阿耆多翅舍欽婆羅珊
闍耶毗羅垓子波復多迦旃延尼捷陀若提
子等所說如是佛亦如是今時出尊知是六

十增上慢比丘心之所念即告文殊師利童子曰文殊師利如是如是是我如來說法同於外道然是外道不解佛說法今時六十增上慢比丘聞是說已增益受苦憂惱不悅其心不樂不知如是所說法故從座而去今時大德舍利弗問諸比丘大德汝等今欲何去當解如來如是說法何因緣故如來今時說大德且任我問如來以何因緣如是說也今時諸比丘聞於大德舍利弗語即還各各復於本座今時大德舍利弗白佛言世尊如來何緣說如是事願當演說斷比丘疑佛告舍利弗於意云何若有比丘諸漏已盡心得解脫

是比丘等聞此言說生驚畏不舍利弗言不
也世尊若有比丘見聖諦者聞一切聲不驚
怖畏何況諸漏已盡心得解脫者佛告舍利
弗或有癡人妄想分別於不實法得虛空行
舍利弗言願世尊說是法句義令斷衆疑佛
告舍利弗若見如來如夢如幻是名正見若
正見者於如來所不作實想不作堅想不作
物想不作名想不作聚想若於如來不作實
想不作堅想不作物想不作名想不作聚想
如是等行一切諸行悉是妄見若一切行悉
是妄見是知一切諸法是邪見若知一切諸
法是邪見佛說是等滿足邪見又知一切諸

見是邪是亦邪見如是舍利弗以是緣故欲見如來名爲邪見舍利弗是等不見如來密身是邪分別於如來身爲舍利弗如來之想舍利弗若有如是見於如來名爲邪智尔時舍利弗白佛言世尊云何邪見名爲正行佛言舍利弗一切凡夫正起覺觀妄想分別起依止動發不動發起我見衆生見命見人見著我勝我所勝知是諸事小凡夫等動搖忿務生於戲論知如是等悉皆不實舍利弗無者名爲不實舍利弗不實者名妄語舍利弗妄語者名曰爲邪舍利弗如是等事攝取不實是等邪見名爲正行舍利弗以是緣故所

謂邪見名爲正行。尔時舍利弗白佛言：世尊，頗有正行所有布施無小果大果也？佛言：舍利弗，若如是等正行成就有所施與，趣向涅槃受於涅槃，齊分涅槃，舍利弗，而是涅槃無小果大果，非少功德，何以故？是涅槃者，離一切果無有齊分，不可齊分。舍利弗言：世尊，若其涅槃無齊分者，云何如來說增益無量無邊功德？佛告舍利弗：諸凡夫具煩惱行，我論衆生論命論丈夫論，爲如是等諸衆生，故說言涅槃無有分齊，涅槃增益無量功德，乃至令生於欲樂心。舍利弗假聖福田，非入涅槃，又舍利弗，離欲聖人各見福田，舍利弗譬如

農夫種下穀種因生稗糞亦生餘草舍利弗
於汝意云何而是農夫所得稗草是果報不
不也世尊佛言舍利弗譬如農夫依因穀種
生稗餘草生相似穀如是舍利弗施聖福田
自然大報後斷諸漏乾焦愛果舍利弗而是
農夫本期爲穀見餘稗草心不生喜非果故
非所利故如是舍利弗非有爲田安止於施
得大果報舍利弗以是因緣施正行者無大
果大報舍利弗言世尊若其布施無大果大
報云何名爲世福田也佛言舍利弗非少果
想非大果想是施不生若施不生是能受於
世間天人阿脩羅供舍利弗於無盡田不取

果報不與果報是故舍利弗非大報非小果
是世福田舍利弗言世尊云何是世福田不得
果報佛言舍利弗汝意云何若為涅槃有果
報不舍利弗言無也世尊若施為涅槃得果
報者一切聖人不名無為佛即讚言善哉善
哉舍利弗以是事故施世福田無有果報尔
時舍利弗白佛言世尊若施無果報云何具
足於妄想智佛言舍利弗於意云何若知於
一切法性是實不也舍利弗言世尊知一切
法猶如幻性世尊若知幻性是不實知何以
故如來演說一切諸法猶如幻性如幻性者
即是不實世尊若知一切法性如此是不實

智所以者何無有一法而是實者今時佛復讚舍利弗善哉善哉舍利弗如是如是舍利弗若法有實有物有真則無衆生入於涅槃舍利弗一切諸法亦非是實非物非真是故舍利弗恒沙衆生入於涅槃永不復生亦不知盡衆生不實故舍利弗若一切衆生無有實相是名具足於不實智是故舍利弗施無果報能得具足滿於不實智今時舍利弗白佛言世尊云何知滿於不實智而疾獲得無生法忍佛言舍利弗若知不實而亦不證舍利弗何等是不實者我見衆生見命見人見斷見常見有不實者佛想法想僧想涅槃想

舍利弗若心動搖戲論忿務皆是不實舍利
弗如是執不實中而得解脫舍利弗以是事
故具不實智而疾得於無生法忍說是法時
四萬二千人得無生法忍六萬優婆塞發於
無上正真道心三萬六千天子得向智證是
六十增上慢比丘斷於諸漏心得解脫心解
脫已俱共同聲說如是言世尊我今始於六
師出家從今日往佛非我尊亦非念法又非
念僧世尊我從今日說於無作說無因緣說
無有業說無調伏今時衆中若干衆生各作
是言是諸比丘或捨佛戒受外道服所說顛
倒今時大德舍利弗覺知衆心語諸比丘言

大德何緣說如是語我今始於六師出家諸
比丘言大德舍利弗從今已往六師諸師等
同一相無增無減大德舍利弗我等今知諸
師不異於出家中無所分別故言出家舍利
弗言大德何緣說言從今佛非我尊諸比丘
言大德舍利弗我從今往自然明了熾然明
熾不假餘明我自歸依非餘歸依自尊
是故說言佛非我尊何以故我不離佛佛不
離我舍利弗言大德何緣說如是言不念於
法不念於僧諸比丘言大德舍利弗我從今
日無法可得若念若攝是故我言從今日往
不念於僧舍利弗言大德何緣說言我從今

往說於無作諸比丘言大德舍利弗我從今
往知於一切諸法無作是中非作非不作以
是故言我從今日說於無作舍利弗言大德
何緣說言我從今說無因無緣諸比丘言大
德舍利弗我從今日一切有道生因緣盡是
中無因是故說言我從今說無因無緣舍利
弗言大德何故說言我從今往說無有業諸
比丘言大德舍利弗我從今往知一切法究
竟涅槃是中無有調伏無非調伏以是故言
我說無業是增上慢諸比丘等說是法時有
三千六百比丘悉斷諸漏心得解脫今時世
尊讚諸比丘善哉善哉是實惶怖中無法可

得尔時文殊師利童子白佛言世尊所言得者何法名得佛言文殊師利得者名曰無生法忍文殊師利言世尊菩薩欲得無生法忍當云何學云何行云何住云何修進尔時世尊荅於文殊師利童子所問無生法忍義故即說偈言

若有求佛智
亦無法可捨
無有和合法
說法爲衆生
捨離於魔法
不知無二法

一切諸智者
無有法可得
凡夫欲和合
凡夫生諸行
菩提道最上
種種幻無實

無有法可取
若生是有者
若可知可斷
不信無生法
凡夫著二法
凡夫人見異

是中無有異

一切同一相

若有凡夫說

無二無二作

同幻化平等

凡夫人或說

我不時盡欲

斷瞋及愚癡

我當善思惟

非物生物想

計斷為涅槃

壞貪欲瞋癡

說示於空法

無盡亦無生

是說名涅槃

精進者進生

是去我法遠

布施持戒想

樂於菩提想

是不入菩提

是等行想行

凡夫虛妄覆

不知於空法

諸法等一相

當各各異說

若解知此法

其體性無異

如五指名手

得菩提不難

無遠菩提者

無近菩提者

別無分別者

是去菩提遠

凡夫各異行

各各相是非

此持戒成就

此是破戒惡

諸法猶如夢

諸有為無實

慧不最牢固

知之如幻化

是中戒不實

破戒亦不實

諸法因緣生

是中無有我

於千億劫中

布施與受者

護持無上戒

諸佛不記我

我時離於想

布施想無餘

離一切顛倒

亦時我得記

說施得大富

持淨戒生天

是中無所得

是無上菩提

凡夫依止有

愚癡妄憶想

我等得於忍

無為無有生

是無生法中

不思惟生者

於千億劫中

是得忍不難

假名為說法

法無有作者

無根本任處

悉如空閑相

多億數諸佛

斷貪瞋癡故

演說無上法

是法不可盡
如是不實法
愚癡亦無邊
種子中無芽
華亦不可得
不生亦不出
是終無有子
慧如是分別
受於生死苦
重荷擔虛空
無實無有邊
如所言本際

實法無虛妄
是實際叵得
若不得實者
何處有果葉
無生法如是
此見於如實
以其無子故
一切法無生
憂妄覆凡夫
非智慧者疑
無量阿僧祇
我說是無際

速疾歸於盡
姪欲瞋無邊
亦復不得中
若其不得葉
衆生當生子
猶之如石女
亦無有子憂
是無有恐怖
不知法如幻
若知於此法
於此無有疑
後際亦復尔

衆生際叵思
以知此義故
衆生際叵思
是分別行者
我何時成佛
法無和合者
亦無止住處
如是說虛空
菩提虛空界
得菩提不難
於法無所來
斷於一切求

無際憶想際
其智無有二
本際如鏡像
其心如思
諸佛無有生
凡夫欲和合
虛空無住故
如是知菩提
衆生界同等
若人不進慈
得菩提不難
無有心能得

空無有邊際
如虛空際相
是智無所知
我何時盡惡
是中無和合
無能空造者
無礙無有物
知衆生亦尔
若知如是等
不思惟於善
是菩提難求
覺無上菩提

思惟布施者

布施得菩提

終不得菩提

不得成菩提

思惟著戒者

憶想精進實

非佛法妙進

如是憶想著

一切法顛倒

我不非顛倒

未始有動發

是善無有上

若有憶想者

此法是有漏

此人心不善

不思惟法者

是同如虛空

無縛亦無解

是慧無有上

想此是持戒

想此破戒惡

說二俱破戒

無上戒無二

諸法無有異

滅無增減想

是見於性者

是護持佛法

若心無著者

猶如空中鳥

如是知具足

是實沙門法

若無思憶想

不思惟一切

無心無我命

得菩提不難

欲出貪欲者

不爲欲所牽

亦無捨姪欲

是菩提不難

不厭徃想著

於無畏怖際

生死無驚怖

得菩提不難

尔時世尊說是偈已告文殊師利童子言文殊師利若有菩薩信解此經無有疑惑受持讀誦令通利已爲他廣說是人得於二十功

德何等二十諸天愛護諸龍當護夜叉守護常無亂心命終生處自識宿命命終生處得於五通命終生處見弥勒菩薩念此經法其心不亂唯除眠時夢中見佛亦見菩薩信解此經者得於順忍念此經者現世斷瞋持此經者處毒蛇中得無所畏念此經者得降怨

家念此經者得遍照三昧學此經者得盡一
切諸惡業障說此經時得於無量百千法門
是得不失菩提之心具得無量旋陀羅尼念
此經者一切魔事未曾得起亦得生於現在
佛前得具一切善吉諸願念此經者無足二
足三足四足諸毒蟲中皆得愛護念此經者
無非人怖王瞋得護文殊師利此是說法比
丘二十功德以持此經心無疑惑讀誦通利
為他廣說故尔時文殊師利童子白佛言世
尊喻諸藥樹除一切病世尊此經亦尔斷一
切病佛言如是如是文殊師利善說此語此
經能斷於一切病何以故文殊師利本過去

世阿僧祇劫復過阿僧祇劫。爾時有佛。號師子遊步如來。應供正遍知。出現于世。於無量百千大衆之前。演說此經。文殊師利。爾時衆中。有一菩薩。名金剛幢。從是師子遊步如來。應供正遍知。聞此經法。心無疑惑。受持於是妙功德。經通利解。入得勢力。故在於村落城邑。王宮而自唱言。我是良醫。時有無量百千衆生。種種病逼。悉來詣是金剛幢菩薩所。是時金剛幢菩薩。慈心善解。以此經法。陀羅尼章句。攝取護持。諸衆生等。文殊師利。何等是陀羅尼章句。

阿蘭一 波唵羅二 毗尼那三 修喝池四 修復

多五阿菟荼六毗尼那醯七呿伽留他八摩

移宿伽九阿菟那折陀十那賴陀十一蜜羅修

蜜囉十二素囉醯十三薩婆多羅十四曠伽曠伽

十五胝猶呵十六摩仇摩伊呵十七

以是陀羅尼章句守護攝取彼諸衆生除種

種病若毒蛇螫若癩病若風病文殊師利是

金剛幢菩薩以此經法安止衆生除去諸病

文殊師利汝謂尔時金剛幢菩薩豈異人乎

莫作異觀何以故我是尔時金剛幢菩薩也

我解此經多利衆生尔時文殊師利童子白

佛言世尊菩薩受持於此陀羅尼章句讀誦

通利當行何宜何法則也佛言文殊師利若

有菩薩欲通達此陀羅尼章句當好淨行不
食於肉不油塗足不往多衆常於衆生起於
慈心莫作非法不淨之人而讀此經亦莫在
於不淨處讀尔時文殊師利童子白佛言世
尊若有菩薩讀此經時不惜身命當言如是
如是文殊師利如汝所說尔時佛告阿難阿
難汝受持此經此經當來多利衆生阿難白
佛言世尊如佛所說我已受持尔時世尊讚
阿難言善哉善哉阿難汝於來世爲衆尊導
彼時衆生讚說此經如從我受尔時大德阿
難大德舍利弗文殊師利童子及諸天人阿
脩羅軋闍婆等聞佛所說皆大歡喜

佛說象腋經

腋音亦日

珊蘇干坵音遲

秀上蒲拜反

他音又菟奴侯反

明反曹莫也胷上乙音

必反馨欵下苦亥頂反

必反馨欵下苦亥頂反

忘務有作務紅反

苗似稻也下

醯呼改反去丘迓反

官上反下徒旱反

養

寢夢翅施反智

叵正我反稗

逼彼力噤音喝也

羅力加驥音義

赤呼各反也

